



UNIVERSITÄTS-  
BIBLIOTHEK  
PADERBORN

## **Claudii Fleurii Abbatis Historia Ecclesiastica**

Ab anno Christi 1572 usque ad annum 1581

**Fleury, Claude**

**August. Vind. [u.a.], 1772**

**VD18 90118642**

§. 106. Continuum sancti Caroli studium durante pestilentia.

---

[urn:nbn:de:hbz:466:1-67232](https://nbn-resolving.org/urn:nbn:de:hbz:466:1-67232)

pus ejus Segobiam translatum est, ibi- Sæcul. XVI.  
dem terræ mandandum. Ceterum o- A.C. 1577.  
mnia hujus Scriptoris opera in duobus  
voluminibus typis excusa prodire.

§. CVI.

*Continuatum Sancti Caroli studium  
durante pestilentia,*

Interea Sanctus Carolus identidem no-  
va suæ pietatis, charitatisque speci-  
mina edebat; cum enim grassantis pe-  
stilentia violentia continuo illius Diæ-  
cesim ingenti strage devastaret, non mo-  
do cuncta bona sua, sed ipsam etiam vi-  
tam pro gregis sui salute impendere pa-  
ratus erat, ac ferme semper insomnis,  
vel si somnum capere necessitas suade-  
ret, nonnisi in quadam sella, vel nu-  
do affere fessis membris quietem indul-  
gebat, atque in publica etiam platea  
equo insidens, ne tempus suæ sollici-  
tudini præriperet, cibum sumebat: cum  
vero singulis ferme momentis sese mortis  
periculo exponeret, incertus rumor eum  
decesisse spargebat, imo hæc fama adeo  
late sese per universam Provinciam dif-  
fundebat, ut nonnulli Antifrites jam-  
jam pro illius anima exequias celebra-  
rent, ac ipsemet Mediolanensis popu-  
lus hisce rumoribus fidem adhibens  
tam acerbo cruciaretur dolore, ut fan-

*Giuffano vie  
de S. Char-  
les l. 4. c. 10.*

Sæcul XVI  
A.C. 1577.

ctus hic Præful re comperta ad solandas prædilectas oves suas quantocius e visitationibus suis reverteretur, ubi non sine ingenti animi sui jubilo populum suum adeo obsequentem experiebatur, ut omnes eo etiam absente pietatis exercitia, quæ eis præscripserat, fideliter exercerent: cum autem idem sanctus Præful anni sacri festivitatem a Gregorio XIII. Papa pro universa Italia concessam ad initium hujus anni post Christum natum millesimi quingentesimi septuagesimi septimi distulisset, nunc sacrum hoc tempus veræ penitentiae affectu celebrabat, ac communibus, publicisque supplicationibus, quæ instituebantur, ipsemet interfuit, nudisque pedibus incedens eodem habitu vestitus erat, quo in aliis supplicationibus tempore pestis antea habitus utebatur: cum vero contagionis vehementia non nihil flaccescere inciperet, Sanctus Archipræful universam urbem, ac Diæcesin lustrare, cunctasque ædes solemni precatione sacrare statuit, hancque in rem Pastoralem epistolam zelo vere Apostolico plenam divulgans cunctis suis Diæcesanis testatum reddidit, quod pro gregis sui salute, perinde ac si pro suis ovibus hucusque nihil laborasset, sese totum mancipare, ac totis suis viribus conari vellet, ut peccati regnum

de-

destruatur, ac charitatis folium in illis  
stabiliatur.

Sæcul. XVI.  
A.C. 1577.

Denique peste omnino cessante Deo publicas gratiarum laudes exsolvi præcepit, tresque jejunii dies, totidemque publicas variis in Ecclesiis supplicationes indicens omnes Mediolanenses hortabatur, ut in sacro tribuuali expiatis noxis suis sacram Synaxin ea reciperent devotione, quæ ad dignam ejusmodi gratiarum actionem Deo exsolvendam necessaria videretur: insuper in Ecclesia Cathedrali pro iis, qui calamitoso hoc tempore e vivis excefferant, ac pro quibus hucusque figillatim preces effundi haud poterant, tria exequiarum officia peragi jussit, eademque pietatis obsequia defunctis postea in Parochiis, & Regularium Ecclesiis cum insolita prorsus devotione deferebantur.

Ceterum cum Mediolanensis Ecclesia juxta Divi Ambrosii ritum nonnisi prima Dominica jejunio verno initium dare solet, atque per corruptelam vix tolerandam eadem dominica dies adeo non sacris exercitiis dicaretur, ut potius voluptatibus, & spectaculis passim profanaretur, proin re ipsa jejunium nonnisi sequenti feria secunda inchoaretur, hinc Sanctus Carolus hanc profanationem abolere statuens præprimis Clerum suum eo inducebat, ut is quadra-

Sæcul. XVI.  
A.C. 1577. gesimalem abstinenciam ipsa hac prima  
Dominica die inciperet, tam prospero  
succesu, ut mox Laici pium hoc Cle-  
ricorum exemplum sequerentur, utque  
Sanctus Carolus sacrum hunc usum  
omnino stabilem, ac perennem redde-  
ret, hac de re edictum promulgavit  
postea in quodam provinciali Concilio  
confirmatum. Ab illo temporis ar-  
ticulo jam prima die dominica quadra-  
gesimale jejunium Mediolani inchoa-  
tur, atque ad triginta sex dies pro-  
trahitur: verum quantumvis Sanctus  
hic Archiepiscopus sua agendi ratione,  
quam universa Europa non sine summa  
admiratione deprædicabat, ingentem  
sanctitatis famam sibi conciliasset, ni-  
hilominus Deo illum adhuc exercitare  
placuit novis vexationibus, quas huic  
sancto Viro iidem inferebant, qui tamen  
ob maxima beneficia eidem plurimis  
titulis obstricti erant.

## §. CVII.

*Lites circa jurisdictionem Ecclesiasti-  
cam rursus contra Sanctum Caro-  
lum motæ.*

*Giuss. l. 5.*  
*c. 5.*  
*Carol. Bas-*  
*gap. & Ri-*  
*pamont. in*  
*vita S. Car.* Vix pestis violentia penitus erat extin-  
cta, cum illico novus Mediolanen-  
sium Gubernator, qui Ludovico Reque-  
senio successerat, pristinam controver-  
siam a duobus illius Prædecessoribus  
agi